

後村先生大全集

一二

後村先生大全集卷之四十九

定交客揖而起

止酒賦

辛亥

余晚抱疾謁告屏居表如糝蠟之萎裏如芭蕉之虛
庖屏魚蟹筵卻果蔬室靡樽壘案無杯杓乾糲數
匙僅給朝晡垂首癡坐如老浮圖門有剝啄聲且疾麕
問客為誰肅入庭除日中山之族人稱高陽之舊徒
戟手擢髮數余之辜昔與吾子情好素孚長安之樓
臨邛之壚新豐之市步兵之廚飲啐子同游息子俱
雖終朝之酣飽亦有時而空王媼之見貫泥便
了之行酤子嘗窮愁浩歎長吁我沃子胥子顏為舒

子嘗苦思叩竭搜枯我澆子古子唾成珠頃刻非我
無以自娛謂沒齒之綢繆忽晚節之闊疎意者子於
交朋情久則渝始不異於管絕終有類於耳餘者乎
余乃修礼容吐欵要而起謝曰幸容寬假畢陳其愚
年事有老少物理有乘除方其少也則阮籍入林之
始王績逃鄉之初及其老也則陶公真止之後涪翁
剛制之餘察其色則昔渥丹而今濕灰量其腹則今
椰子而昔瓠壺覺形神之欲離賴丹艾而小甦縱麴
蘖以自伐與董鳩其何殊凡余之所悲傷感慨者乃
今我而客之所記噫責教者乃故吾倘虛受

名寧顯着絕交之書又况鼯鼠之量已盈

益曜尚不思於節腹久必至於戕軀一旦庭設元會
朝賜大酺稱兕觥於堂陳獸尊於衢九賓在列萬玉
環趨弁冕峨而屢側步蹶躄而欠扶縱明天子赦其
不上船之罪賢宰相寬其吐車茵之誅彼御史在前
執法在後其肯汝貸也夫客乃踧踏失辭而去頑命
童子退而筆

吊小鶴賦

英德陳使君餉予雙鶴小者尤機警並栖旬月余覺
大者驚悍欲離隔之未果一日乘園丁晝寢啄小者

春毛盡脫而斃哀而弔之詞曰

余晚擯於時兮戶寂庭空賴二羽衣兮伴一禿翁一
軒昂而前導兮一聳秀而後從譬士龍之於士衡兮
仲容之於嗣宗余愛夫稚者之尤慧兮有穎悟之風
質如陋巷之矐兮性如草言玄之童余拍手則起舞
兮極蹈厲之容荒山無以自娛兮振羽籥而陳笙鏞余
目為小友兮意他日跨之飛翬惜如至寶兮由敝柵
遷之雕籠棲息並兮水粟同覺長者之驚暴兮曾弗
念夫友恭旣飲啄之貪多兮亦動止之爭雄每語園
丁兮使之謹避其鋒俄駭機之驟發兮闔

哺擊搏甚於鸛雀兮吞噬慘於鷄蟲髡

乘無援而急攻脯哀鳴而煩冤兮夕委頓而告終余
聞物不傷同類兮猛而虎狼微而蟻蜂君臣父子秩
然兮不相寇戎奚茲仙禽兮吭清而頂紅矜喙長而
爪利兮力健而體豐角技能之不建兮積媚忌而熟
中操入室之戈兮閑射第之弓以人方之則老瞞之
刑修兮偃月之斃邕以女方之則呂姬之戕戚兮傳
嬪之陷馮死者有知兮訐蒼穹豈無譴罰兮及厥躬
竊怪夫善惡禍福視天夢夢慧者拙矇矇者工強
力者臧仁弱者凶惟鶴壽不可筭兮汝何辜而與禍

逢戒村獠勿烹兮瘞之薄叢余將聲罪而致討兮停
其廩供命挾彈小兒兮碎首 曾念天道之好生兮
相讎殺其焉窮令無右軍兮字大墨濃誰書此賦兮
勒之幽宮

譴蠹魚賦

惟余先人兮奮白屋掌太史兮校天祿甑生塵兮餅
無粟以陳編兮實謬腹俸所收兮手澤所錄朱黃
粲然兮咸精實而可讀嗟小子兮竊有志於似續仕
五十年兮皇皇求訪之未足近得之江兮致之粵蜀
或相藍之善本兮或故家之舊牘雖

侯之藏兮庶幾及善和之目先廬不足以容

貯於山麓余有四方之事兮寄筦鑰於部曲既啟閉
之不時兮亦怠弛之失膠余退老而溫故兮驚蠹魚
之遺毒初一二之蠕動兮忽千百之孕育么麼譬於
針粟兮中傷慘於銛鏃謂一帙之偶然兮將補綴使
完復俄萬卷之皆遍兮始欲無於全幅念爾瑣瑣兮
不足加於刑戮矧復蠹：兮尤難僥以罪福豈非始
皇李斯之後身兮挾已試之緒餘禍始於臧藉兮終
至於血儒彼愚黔首而已兮爾 歎併愚吾徒將恐舉
世兮皆空：之夫試展卷兮浩歎長吁殘缺漫漶兮

類科斗與蟲魚磔裂穿鑿兮甚揚劉與荆舒噫斯文
之厄至於是歟吾聞善惡之報兮有疾徐尔依典籍
兮藩族而芘軀無謂周孔兮釋教之不如曷不觀沙
邱之死兮咸陽之誅父子夷兮宗庙壝余將熾烏薪
於焙兮採香芸於廚竊白蟬之類兮蕩滌掃除尔雖
微物兮其有不侮者乎

吐綬雞賦

伊灵禽非壹類鶉以鬬鶴以唳鷗以白鷹以鷙孔翠
以刑鸚鵡以慧或顧影而銜奇或飾表而招累或不
密而漏言或自喜而獻技中獵徒之詭計起

潛伺始黏稿而觸網俄鍛翰而剪翅咸皆自貽欲以
誰懟吾觀茲雞則異於是方其窈冬積陰風雨如晦
濡渴味以寒溜充飢腸以遺穗中粢而組麗外嘿嘿
而謙閔其飲啄也若庶其韜藏也若智及夫春和景
融天日開霽忽五采之彰施竦十目之瞻視探懷中
之色筆織機上之錦字舒漢京之黼黻掃唐朝之絺
繪雖驚猜於羣兒可体明於一世惜乎前不與振鷺
兮陳清廟之頌後不與二鳥兮鳴開元之際大不如
黃鵠兮蒙賡歌之作小不如鷄鶩兮饗鐘鼓之祀拊
歲月之蹉跎悵籠檻之幽閑哀志氣之摧傷頑羽毛

之憔悴記主君以栖止奉賓客之娛戲吾聞丹穴有
禽兮其出為瑞飫体泉與竹兮實知味腐鼠之味
灵均惜其高逝兮聖丘嘆其不至豈若尔雞兮馴擾之
易違野逆之性兮負泰養之愧

荒哉吾池黃濁沮如鷗鷺不下蛙蠃所聚爾其味出
聲惡刑入笑具突睛瞋腹對人箕踞夕呼達旦晨譟
至暮一吻倡之衆吻和附舌腐嗑乾猶蓄餘恕名理
之流掩耳而去諱競之朋吹脣而助無理之鬧識者
未諭昔在句踐欲激鬪士見汝而揖謬為寵異卒以

快其沼吳之志吾謂烏喙驕汝至是煌々太陰汝食
之旣天眼汝瞎舜瞳汝蔽地行臣仝泣請于帝剗汝
磔汝遂尸諸市焚鞠灑灰次及汝類汝悔已晚臍不
可噬

劾鼠賦

余憫黃卷兮懼白蟬之害頗整比其散亂兮又補完
其破碎手自扃鐫兮若巾襲於珍具雖稍辟以蠹類
兮曾不虞以鼠輩偶一夕之慵兮遺數帙於外明發
起視兮遭毒喙皮殼無恙兮殘腹背余意不怡兮朝
食癢思古事兮發深慨彼盜肉兮汝常態尚熏掘而

誅磔兮矧減籍之罪大余非刀筆吏兮莫鞠訊而捕
逮始詰汝以理兮具以臆對余廩有粟兮菽園有果
菜庫有醯醪兮庖有脯醢汝出沒其間兮且攫且囓
每擇取其甘鮮兮而遺余以餒敗汝於此兮夫豈不
快書於汝兮曾微纖芥汝前身寧盜儒兮剽竊梗槩
以論語兮受帝拜以免園冊兮事四姓相五代旣化
異物兮習氣猶在嗟余嗜書兮甚啖與膾雖無萬卷
兮寸紙亦愛今與汝約汝法兮反復告戒犯前數條
兮原其罪惟齧余書兮不汝貸求良猶兮設毒械如
永某氏之焉兮汝毋悔鼠默然失辭兮叩頭而退

詰猫賦

余苦鼠暴兮語之所親或致狸奴兮稍異其倫甚俊
黠兮尤服馴既咆哮而威兮亦爛班而文余乏精識
兮以貌而取人閱壹歷兮差良辰栖以丹檻兮藉以
華裯飯以香杭兮脩以絢鱗謂子蒼輩之聞風兮退
避而逡巡猶鰐婢愈而徙海兮盜懼會而奔秦始俘
禽其一二兮氣稍振意難獮其族類兮憤乃伸俄傷
飽而戀暖兮復嗜寢而達晨信半質之難矯兮况驢
技之已陳彼睨爾兮柔而仁汝視彼兮狎不嗔久遺
毒於一室兮寢旁及於四鄰爾尚施仁而厚顏兮嘿

嘿而容身余架無完衣兮按無完書大穿穴於墻壁
兮小覆翻於槃杆闖薦廟之奠菽兮伺享賓之牢蔬
將大嚼而後快兮寧垂涎於餒餘彼蝶栩栩於欄檻
兮雀啾々於庭除嗅殘花啄棄粒兮哀所營之區々
爾睥睨而襲取兮之二蟲又奚辜余甚憐雪衣女兮
置諸座隅譬之能言之流兮絕代之姝爾一旦踴發
兮掩其不虞使果入朝而入宮兮其不被害也夫嗟
爾以捕焉職兮擗面目而雄牙鬚於所當捕兮卵翼
之勤渠於所不當捕兮踊躍而毆除余欲誅之兮不
勝誅爾猶有知兮亟改圖否則世豈無含蟬之種兮